

ლიზინგის ხელშეკრულება N 01677

ქ. თბილისი

10.06.2016

1. ხელშეკრულების მონაწილე მხარეები

"ლიზინგის გამცემი"	დასახელება	შპს "ჰიპპო"
	იურიდიული მისამართი	ქ. თბილისის, ვაკე-საბურთალოს რაიონი, დიდის სასწავლო საცდელი მეურნეობის ტერიტორია, სართული 5
	საიდენტიფიკაციო კოდი	405126457
	ანგარიშსწორების ბანკი	თიბისი ბანკი
	ანგარიშსწორების ანგარიში	GE31TB7710436080100003
	წარმომადგენელი	დირექტორი
	სახელი გვარი	ნიკოლოზ ფერიაშვილი
	გაყიდვების მენეჯერი	გვანცა გვინიანი
"ლიზინგის მიმღები"	სახელი, გვარი	ზურაბ მუსაშვილი
	დაბადების თარიღი	03/05/1968
	პირადი ნომერი	20001003910
	რეგისტრაციის მისამართი	მუხიანის მე-3 მკრ. რ-ნი. კორპ 3. ბ 73
	ტელ.:	555584555

„ლიზინგის გამცემი“ და „ლიზინგის მიმღები“ ვმოქმედებთ რა საქართველოს მოქმედი კანონმდებლობისა და საზოგადოების წესდებებით მინიჭებული უფლებამოსილებების შესაბამისად ვდებთ წინამდებარე ხელშეკრულებას შემდეგზე:

2. ხელშეკრულების საგანი

2.1 წინამდებარე ხელშეკრულებით ლიზინგის გამცემი იღებს ვალდებულებას შეიძინოს ლიზინგის მიმღების მიერ შერჩეული საგანი (შემდგომში „ლიზინგის საგანი“), რომელიც ლიზინგით გადაეცემა ლიზინგის მიმღებს წინამდებარე ხელშეკრულების პირობების დაცვით.

3. ლიზინგის პირობები

- 3.1 ლიზინგის საგანი: 1). 1 ცალი, სავარძელი | 3556-1S/ ID:2477; 2). 1 ცალი, დივანი | 3556-3S/ ID:2859; ; სერიული ნომერი მითითებულია დანართი #2-ში მიღება ჩაბარების აქტში.
- 3.2 ლიზინგის საგნის ლიზინგის მიმღებისთვის მიწოდების ვადა ლიზინგის მიმღებიდან ლიზინგის გამცემისთვის შეკვეთის გაცემიდან გონივრულ ვადაში
- 3.3 ლიზინგის საგნის მიწოდების ადგილი: ლუბლიანას მე-3 ჩიხი. N7
- 3.4 ლიზინგის მთლიანი ფასი: 2036.52 ლარი
- 3.5 ხელშეკრულების მოქმედების ვადა (ლიზინგის ვადა): 9 თვე
- 3.6 ლიზინგის საზღაურის გადახდა დანართში N1 მოცემული გრაფიკის მიხედვით
- 3.7 პირგასამტეხლო ვადაგადაცილებაზე: ყოველი ვადაგადაცილების დაფიქსირებისას, ერთჯერადად, 10 ლარი ჯარიმის სახით, ასევე ლიზინგის საზღაურის 1% ყოველ ვადაგადაცილებულ დღეზე
- 3.8 ლიზინგის საგნის დამზღვევი: ლიზინგის გამცემი

4. განმარტებები და მნიშვნელობები

- 4.1 ლიზინგის საგნის მესაკუთრეს წარმოადგენს ლიზინგის გამცემი.
- 4.2 ლიზინგის საგნის მიწოდება ხორციელდება 3.3 პუნქტში განსაზღვრულ მისამართზე.
- 4.3 ლიზინგის საგნის მიწოდება ფორმდება მიღება-ჩაბარების აქტით. მიღება-ჩაბარების აქტზე ხელს უნდა აწერდნენ ლიზინგის გამცემისა და ლიზინგის მიმღების უფლებამოსილი წარმომადგენლები. მიღება-ჩაბარების აქტში ხდება ლიზინგის საგნის დეტალური აღწერა. მიღება-ჩაბარების აქტი წარმოადგენს წინამდებარე ხელშეკრულების განუყოფელ ნაწილს.
- 4.4 მიღება-ჩაბარების აქტის ხელმოწერისთანავე ლიზინგის მიმღები იძენს ლიზინგის საგნით სარგებლობისა და ფლობის უფლებას, აგრეთვე ეკისრება ლიზინგის საგნის დაზიანების და/ან შემთხვევით დაღუპვის რისკი

მთლიანად.

4.5 იმ შემთხვევაში, თუ ლიზინგის მიმღები დაუყოვნებლივ წერილობით უარს არ განაცხადებს ლიზინგის საგნის მიღებაზე, მაგრამ აყოვნებს მიწოდებული ლიზინგის საგნის მიღებას, მაშინ ლიზინგის საგანი მიწოდებულად ჩაითვლება და ლიზინგის მიმღებს დაეკისრება ლიზინგის საგნის დაზიანების და/ან შემთხვევით დაღუპვის რისკი მთლიანად. მხარეები განმარტავენ, რომ დაყოვნება ასევე გულისხმობს 4.3 პუნქტით განსაზღვრული წესით მიღება-ჩაბარების აქტზე ხელმოწერის დაყოვნებას.

4.6 ლიზინგის მიმღების მიერ ლიზინგის საგნის მიღებაზე დაუსაბუთებელი უარის შემთხვევაში ლიზინგის მიმღებს ეკისრება პირგასამტეხლო ლიზინგის საერთო თანხის 10%-ის ოდენობით.

4.7 ლიზინგის მთლიანი ფასი წარმოადგენს ლიზინგის მიმღების მიერ ლიზინგის საგნით სარგებლობის საერთო საზღაურს.

4.8 ლიზინგის საზღაურის გადახდა წარმოებს დანართში N1 მოცემული გრაფიკის შესაბამისად.

4.9 წინამდებარე ხელშეკრულების ვადის ბოლოს, ხელშეკრულებით განსაზღვრული ვალდებულებების სრულად შესრულებისა და ლიზინგის მთლიანი ფასის სრულად გადახდის შემთხვევაში ლიზინგის საგანი გადადის ლიზინგის მიმღების საკუთრებაში.

4.10 ლიზინგის მიმღებს უფლება აქვს ვადაზე ადრე გამოისყიდოს ლიზინგის საგანი. ვადაზე ადრე გამოსყიდვის ფასის დადგენა მოხდება მხარეთა შეთანხმებით.

4.11 იმ შემთხვევაში თუ ლიზინგის მიმღები ისარგებლებს 4.10 პუნქტში მითითებული უფლებით, მან ლიზინგის საგნის ვადამდე გამოსყიდვის სურვილის შესახებ წერილობით უნდა შეატყობინოს ლიზინგის გამცემს. ასეთი შეტყობინება უნდა გაკეთდეს გამოსყიდვამდე არანაკლებ 7 სამუშაო დღით ადრე.

4.12 პირგასამტეხლო ვადაგადაცილებაზე დაირიცხება იმ შემთხვევაში, თუ ლიზინგის მიმღები დაავგიანებს და/ან არ გადაიხდის ლიზინგის საზღაურს მთლიანად ან ნაწილობრივ გრაფიკით გათვალისწინებულ ვადებში და ოდენობით. პირგასამტეხლო დაერიცხება ვადაგადაცილებულ დავალიანებას 3.7 პუნქტში წარმოდგენილი ოდენობით.

4.13 ლიზინგის საგნის დაზღვევას ახორციელებს 3.8 პუნქტით განსაზღვრული მხარე, წინამდებარე ხელშეკრულების მე-9 პუნქტში მოცემული პირობების დაცვით.

5. ანგარიშსწორების პირობები

5.1 ლიზინგის მიმღებმა ლიზინგის გამცემს ლიზინგის საზღაური უნდა გადაუხადოს უნაღდო ანგარიშსწორებით, ლიზინგის გამცემის საბანკო ანგარიშზე თანხის ჩარიცხვის გზით. გადახდის თარიღად ითვლება ლიზინგის საზღაური ლიზინგის გამცემის საბანკო ანგარიშზე ჩარიცხვის თარიღი.

5.2 ვადაგადაცილების არსებობის შემთხვევაში, პირველ რიგში იფარება ვადაგადაცილებაზე დარიცხული პირგასამტეხლო, შემდეგ ლიზინგის საზღაური.

5.3 იმ შემთხვევაში, თუ თანდართული გრაფიკით განსაზღვრული გადახდის თარიღი ემთხვევა უქმე დღეს, თანხის გადახდა უნდა განხორციელდეს პირველივე მომდევნო სამუშაო დღეს.

6. მხარეთა უფლება-მოვალეობანი

6.1 ლიზინგის გამცემი ვალდებულია:

6.1.1 უზრუნველყოს ლიზინგის მიმღების მიერ შერჩეული ლიზინგის საგნის ხელშეკრულებით გათვალისწინებული პირობებით მიწოდება.

6.2 ლიზინგის გამცემი უფლებამოსილია:

6.2.1 ლიზინგის საგანზე გააკეთოს შესამჩნევი მარკირება რათა უზრუნველყოს მესამე პირთა ინფორმირება, რომ ლიზინგის გამცემი არის ლიზინგის საგნის მესაკუთრე.

6.2.2 მოითხოვოს ლიზინგის საგნის დაბრუნება (მათ შორის სამოქალაქო საპროცესო კოდექსის XXXIV1 თავით გათვალისწინებული წესით), თუ ლიზინგის მიმღები არ ასრულებს წინამდებარე ხელშეკრულებით და ლიზინგის გამცემსა და მიმღებს შორის გაფორმებული ნებისმიერი ლიზინგის ხელშეკრულებით ნაკისრ ვალდებულებებს სრულად.

6.3 ლიზინგის მიმღები ვალდებულია:

6.3.1 მიიღოს ლიზინგის საგანი ლიზინგის გამცემის მიერ 3.3 მითითებულ მისამართზე მიწოდებისთანავე და მიღებისთანავე ხელი მოაწეროს მიღება-ჩაბარების აქტს.

6.3.2 დაუყოვნებლივ მიაწოდოს ინფორმაცია ლიზინგის გამცემს ლიზინგის საგნის გაუმართაობის ან/და დაზიანების შემთხვევაში.

6.3.3 განახორციელოს ლიზინგის საზღაურის გადახდა N1 დანართში მოცემული გრაფიკის დაცვით.

6.3.4 აუნაზღაუროს ლიზინგის გამცემს ლიზინგის საგანზე გაწეული ნებისმიერი გაუთვალისწინებელი ხარჯები.

6.3.5 იზრუნოს ლიზინგის საგნის სათანადო მოვლაზე.

6.3.6 განახორციელოს ლიზინგის საგნის მხოლოდ მიმდინარე რემონტი, ხოლო კაპიტალური სამუშაოები (რემონტი) განახორციელოს მხოლოდ ლიზინგის გამცემის წინასწარი წერილობით თანხმობით.

6.3.7 არ დაუშვას ლიზინგის საგნის ექსპლუატაციისას, სარგებლობისას, ისეთი სახის თუ ხარისხის (დაბალხარისხიანი და დაბალ ფასიანი დეტალით/ნაწილით) ნივთით ნებისმიერი სახის მომსახურება რამაც

შეიძლება გააუარესოს, არსებითად შეცვალოს ლიზინგის საგნის მდგომარეობა.

6.3.8 დაიცვას ლიზინგის საგნის ტექნიკური პირობები და ექსპლუატაციის წესები.

6.3.9 ლიზინგის საგნის დაკარგვის ან გასხვისების შემთხვევაში აუნაზღაუროს ლიზინგის გამცემს ხელშეკრულებით განსაზღვრული ლიზინგის საგნის მთლიანი ფასი.

6.3.10 არ დაუშვას ლიზინგის საგნის გამოყენება კანონმდებლობის ან რაიმე ნორმატიული აქტის დარღვევით, კეთილსინდისიერად შეასრულოს კანონმდებლობის მოთხოვნები სალიზინგო ქონებით სარგებლობასთან დაკავშირებით.

6.4 ლიზინგის მიმღები უფლებამოსილია:

6.4.1 გამოიყენოს ლიზინგის საგანი თავისი სამომხმარებლო თუ სამეურნეო მიზნებისთვის წინამდებარე ხელშეკრულების პირობების დაცვით.

6.4.2 წინამდებარე ხელშეკრულების ვადის ბოლოს, ხელშეკრულებით განსაზღვრული ვალდებულებების სრულად შესრულებისა და გადახდის გრაფიკის ბოლო ყოველთვიური სალიზინგო გადასახადის გადახდის შემდეგ, საკუთრებაში მიიღოს ლიზინგის საგანი.

7. უფლებები ლიზინგის საგანზე

7.1 ლიზინგის ვადის განმავლობაში ლიზინგის მიმღებს ლიზინგის საგანზე არ გააჩნია საკუთრების უფლება. იგი აღჭურვილია მხოლოდ საგნის ფლობისა და სარგებლობის უფლებით. ლიზინგის მიმღები ვალდებულია არ დაუშვას მესამე პირთა მიერ ლიზინგის საგნით სარგებლობა და/ან განკარგვა მესაკუთრის წერილობითი თანხმობის გარეშე.

7.2 ლიზინგის მიმღებს არ შეუძლია თავისი უფლება გადასცეს მესამე პირს ლიზინგის გამცემის წერილობითი თანხმობის გარეშე. ლიზინგის გამცემს მიმღების თანხმობის გარეშე შეუძლია საკუთარი უფლება-მოვალეობანი ლიზინგის მიმღების მიმართ, გადასცეს მესამე პირებს.

7.3 ლიზინგის მიმღებს არ შეუძლია ლიზინგის გამცემის წერილობითი ნებართვის გარეშე შეცვალოს ლიზინგის საგნის რაიმე დეტალი/ნივთი, თუ ეს ცვლილება გამოიწვევს ლიზინგის საგნის ღირებულების შემცირებას.

7.4 ლიზინგის საგნის ნებისმიერი რაიმე დეტალის/ნივთის ცვლილება, ლიზინგის საგნის გაუმჯობესება იქნება ის შეთანხმებული თუ არა ლიზინგის გამცემთან, იქნება თუ არა საგნის განუყოფელი ნაწილი ავტომატურად ითვლება ლიზინგის გამცემის საკუთრებად. თუ ლიზინგის მიმღებზე საკუთრებაში გადადის ლიზინგის საგანი, ანუ ლიზინგი მთავრდება გამოსყიდვით, საგნის შეცვლილ/გაუმჯობესებულ ნივთზეც შესაბამისად გადადის საკუთრების უფლება.

7.5 ლიზინგის მიმღების მიერ ხელშეკრულებით ნაკისრი ვალდებულებების სრულად შესრულების შემთხვევაში ლიზინგის ვადის ამოწურვის შემდგომ ან ამოწურვამდე ხელშეკრულების 4.10 პუნქტით განსაზღვრულ შემთხვევაში ლიზინგის საგანი ავტომატურად გადადის ლიზინგის მიმღების საკუთრებაში.

8. დაზღვევა

8.1 ლიზინგის საგნის დაზღვევას ახორციელებს 3.8 პუნქტში მითითებული მხარე.

8.2 სადაზღვევო კომპანიის, დაზღვევის თანხისა და დაზღვეული რისკების შერჩევას ახორციელებს ლიზინგის გამცემი.

8.3 დაზღვევის ბენეფიციარს წარმოადგენს ლიზინგის გამცემი.

8.4 სადაზღვევო შემთხვევის დადგომის შემთხვევაში, ლიზინგის გამცემი უფლებამოსილია მოითხოვოს ლიზინგის მიმღებისაგან დაზღვევის დოკუმენტით გათვალისწინებული ფრანშიზას ანაზღაურება

8.5 სადაზღვევო შემთხვევის დადგომის შემთხვევაში ლიზინგის მიმღები ვალდებულია დაუყოვნებლივ (24 საათის განმავლობაში) აცნობოს ლიზინგის გამცემს და სადაზღვევო კომპანიას. აგრეთვე განახორციელოს ყველა ის ქმედება რომელიც მოთხოვნილია სადაზღვევო კომპანიის მიერ დაზღვევის ასანაზღაურებლად. ლიზინგის მიმღები აცნობიერებს, რომ სადაზღვევო კომპანია უფლებამოსილია რეგრესის წესით ბენეფიციარისთვის (ლიზინგის გამცემისთვის) გადახდის სადაზღვევო თანხის ამოღება განახორციელოს ლიზინგის მიმღებისგან.

8.6 თუ სადაზღვევო კომპანია სადაზღვევო შემთხვევის დადგომისას რაიმე მიზეზის გამო აყოვნებს საზღაურის გადახდას, ლიზინგის მიმღები ვალდებულია გააგრძელოს სალიზინგო საზღაურის გადახდა დადგენილი გრაფიკით.

8.7 თუ სადაზღვევო კომპანია სადაზღვევო შემთხვევის დადგომისას რაიმე მიზეზის გამო არ აანაზღაურებს დაზღვევის თანხას, ლიზინგის მიმღები ვალდებულია საკუთარი სახსრებით შეაკეთოს/ადადგინოს ლიზინგის საგანი და გააგრძელოს სალიზინგო საზღაურის გადახდა.

8.8 თუ ლიზინგის საგანი არ ექვემდებარება აღდგენას, ხოლო სადაზღვევო კომპანია რაიმე მიზეზით არ ანაზღაურებს დაზღვევის თანხას ან ეს თანხა არასაკმარისია ლიზინგის დარჩენილი საზღაურის გადასახდელად, ლიზინგის მიმღები ვალდებულია დაფაროს დარჩენილი დავალიანება სრულად, პირგასამტეხლოს ჩათვლით (ასეთის არსებობის შემთხვევაში). თუ მიღებული სადაზღვევო ანაზღაურება აღემატება ლიზინგის მიმღების დავალიანებას, სხვაობა წარმოადგენს ლიზინგის მიმღების საკუთრებას.

8.9 თუ რაიმე მიზეზით ლიზინგის საგანი არ არის დაზღვეული, მისი დაზიანების ან განადგურების რისკი

სრულად ეკისრება ლიზინგის მიმღებს.

9. ლიზინგის საგნის უკან დაბრუნება ლიზინგის ვადის ამოწურვამდე

9.1 ლიზინგის მიმღები უფლებამოსილია ხელშეკრულების ამოქმედებიდან 3 თვის შემდეგ ლიზინგის ვადის პერიოდში ნებისმიერ დროს უკან დაუბრუნოს ლიზინგის გამცემს ლიზინგის საგანი, რაც დადასტურდება შესაბამის მიღება-ჩაბარების აქტზე მხარეთა ორმხრივი ხელმოწერით.

9.2 ლიზინგის საგნის დაბრუნება და ლიზინგის გამცემის მიერ მისი მიღება განხორციელდება მას შემდეგ, რაც ლიზინგის მიმღები გადაიხდის საკომისიოს, ნივთის ღირებულების 5%-ის ოდენობით.

9.3 ლიზინგის მიმღები ვალდებულია ლიზინგის დაბრუნების შესახებ შეატყობინოს ლიზინგის გამცემს დაბრუნებამდე 7 დღით ადრე.

9.4 თუ ლიზინგის საგნის დაბრუნების პროცესში აღმოჩნდება, რომ იგი დაზიანებულია ან/და არასწორი ექსპლუატაციის შედეგად მნიშვნელოვნადაა შემცირებული მისი ღირებულება, ლიზინგის გამცემი უფლებამოსილია მოსთხოვოს ლიზინგის მიმღებს ზიანის ანაზღაურება იმ ოდენობით, რამდენიც საჭიროა დაზიანების/ნაკლის სრულად აღმოსაფხვრელად (ბუნებრივი ცვთა ქონების დაზიანებად არ ჩაითვლება).

9.5 ლიზინგის საგნის დაბრუნებასთან ერთად, ლიზინგის მიმღები ვალდებულია სრულად დაფაროს მიმდინარე პერიოდის ლიზინგის საზღაურის სრული ოდენობა, თუმცა სიცხადის მიზნით მხარეები განმარტავენ, რომ ასეთ შემთხვევაში ლიზინგის საგანზე საკუთრების უფლება რჩება ლიზინგის გამცემს და ლიზინგის მიმღებს ლიზინგის საგანზე საკუთრების უფლება არ გადაეცემა.

9.6 ნივთის დაბრუნების ხარჯების ანაზღაურება ეკისრება ლიზინგის მიმღებს.

10. ხელშეკრულების შეწყვეტა

10.1 ლიზინგის მიმღები თანახმაა, რომ ლიზინგის გამცემს შეუძლია ხელშეკრულების ვადამდე შეწყვეტა, თუ:

10.1.1 ლიზინგის მიმღები ვერ გადაიხდის ლიზინგის საზღაურს წინამდებარე ხელშეკრულების დანართი N1-ით განსაზღვრული წესით. მხარეები სიცხადის მიზნით განმარტავენ, რომ ლიზინგის გამცემის მიერ ვალდებულების დარღვევად ჩაითვლება დანართი N1-ით განსაზღვრულ ვადებში ლიზინგის საზღაურის გადაუხდელობა ლიზინგის მიმღების მიერ ნებისმიერი (მათ შორის 1 დღიანი) ვადაგადაცილების ფორმით.

10.1.2 ლიზინგის მიმღები ვერ შეასრულებს ან ვერ დაიცავს ამ ხელშეკრულებით დადგენილ (ლიზინგის საზღაურის გადახდის გარდა) ნებისმიერ ვალდებულებას ან ლიზინგის მიმღებსა და ლიზინგის გამცემს შორის არსებული ნებისმიერი სხვა ხელშეკრულებით გათვალისწინებულ ვალდებულებას.

10.1.3 განადგურდა, დაზიანდა ან ღირებულება შეუმცირდა (ნორმალური ამორტიზაციის გარდა) ლიზინგის საგანს, რაც არ ითარება დაზღვევით.

10.1.4 ლიზინგის მიმღების მიმართ მიღებულ იქნება ლიკვიდაციის ან გადახდისუუნარობის შესახებ სასამართლო გადაწყვეტილება (მათ შორის სასამართლო გადაწყვეტილება გადახდისუუნარობის განცხადების წარმოებაში მიღების შესახებ) გამოცხადების მოთხოვნა ან თუ ისინი თვითონ მიიღებენ გადაწყვეტილებას ლიკვიდაციის შესახებ.

10.1.5 ლიზინგის მიმღების ფინანსური მდგომარეობა მნიშვნელოვნად გაუარესდა.

10.1.6 ლიზინგის მიმღების ნებისმიერი განცხადება, რომელსაც ადასტურებს ან რაც მოცემულია ამ ხელშეკრულებასთან კავშირში, აღმოჩნდება მნიშვნელოვნად არასწორი.

10.1.7 ლიზინგის მიმღების მოქმედება მიმართულია ლიზინგის გამცემის მოტყუებისკენ.

10.2 წინამდებარე ხელშეკრულება შეიძლება შეწყდეს, საქართველოს სამოქალაქო კოდექსით გათვალისწინებულ სხვა შემთხვევებში და წესით.

10.3 ზემოთ აღწერილი ნებისმიერი დარღვევის შემთხვევაში (იქნება ეს ლიზინგის მიმღების მოქმედების შედეგად თუ კანონის ძალით), ლიზინგის გამცემი უფლებამოსილია შეტყობინების მიწოდების გზით მოითხოვოს წინამდებარე ხელშეკრულების ან/და ლიზინგის გამცემსა და მიმღებს შორის გაფორმებული ნებისმიერი ლიზინგის ხელშეკრულების ცალმხრივად შეწყვეტა და თავისი შეხედულებით ქვემოთ მითითებული ერთ-ერთი პირობის შესრულება:

10.3.1 ლიზინგის საგნის გამცემის მფლობელობაში დაბრუნება (ლიზინგის გამცემის მიერ დადგენილი წესით), აგრეთვე სამომავლო სალიზინგო საზღაურების მიმდინარე ღირებულების გადახდა, შეწყვეტის მომენტისთვის არსებული ვადაგადაცილებული სალიზინგო საზღაურის, პირგასამტეხლოს (ასეთის არსებობის შემთხვევაში) და ლიზინგის გამცემის მფლობელობაში ლიზინგის საგნის გადასვლასთან დაკავშირებული ხარჯების და ყველა იმ ხარჯისა და ზიანის დაფარვა, რაც მიადგა ლიზინგის გამცემს ხელშეკრულების პირობების შეუსრულებლობით ან/და არაჯეროვანი შესრულებით, დაბრუნების მომენტისთვის ლიზინგის საგნის საბაზრო ფასის გამოკლებით;

10.3.2 იმ შემთხვევაში, თუ წინამდებარე ხელშეკრულების 10.3.1 პუნქტით გათვალისწინებული გაანგარიშებით მიღებული მოთხოვნა ნაკლებია არსებული ვადაგადაცილებული სალიზინგო საზღაურისა და პირგასამტეხლოს ჯამზე, ლიზინგის გამცემი უფლებამოსილია მოითხოვოს ამ ორ რიცხვს შორის უდიდესის გადახდა და ლიზინგის საგნის გამცემის მფლობელობაში დაბრუნება (ლიზინგის გამცემის მიერ დადგენილი წესით);

10.3.3 სხვა მოთხოვნა, რომელიც არ ეწინააღმდეგება მოქმედ კანონმდებლობას.

10.4 შეტყობინებაში მითითებული უნდა იყოს ვალდებულება, რომლის შეუსრულებლობის გამო ლიზინგის გამცემს შეუძლია ლიზინგის ხელშეკრულების მოშლა და ვადა, რომელსაც ლიზინგის გამცემი აძლევს ლიზინგის მიმღებს დარღვეული ვალდებულების შესასრულებლად. თუ ვალდებულება შესრულდება მხარეთა მიერ შეთანხმებულ ვადაში, ლიზინგის ხელშეკრულება არ მოიშლება.

10.5 ლიზინგის გამცემი უფლებამოსილია წინამდებარე ხელშეკრულების შეწყვეტის შესახებ შეტყობინებაში არ განუსაზღვროს მიმღებს ვალდებულების შესრულებისათვის რაიმე ვადა, თუ აშკარაა, რომ:

10.5.1 ლიზინგის მიმღების მიერ ვალდებულებების შესრულება შეუძლებელია;

10.5.2 ლიზინგის საგანს მნიშვნელოვანი დაზიანების საფრთხე ემუქრება;

10.5.3 ლიზინგის საგნის ადგილსამყოფელი შეიძლება შეიცვალოს ლიზინგის გამცემის გარეშე.

10.6 ლიზინგის მიმღები ვალდებულია წინამდებარე ხელშეკრულების 10.4 პუნქტში აღნიშნული შეტყობინების მიღების შემდეგ და მასში მითითებულ ვადაში შეასრულოს შეტყობინებაში მოთხოვნილი პირობა. ვადის ამოწურვის შემდეგ, დავალიანების მთლიანი მოცულობა ჩაითვლება ვადაგადაცილებულად და დაერიცხება 3.8 პუნქტით გათვალისწინებული პირგასამტეხლო. პირგასამტეხლოს გადახდა არ ათავისუფლებს ლიზინგის მიმღებს ლიზინგის გამცემის მიმართ ვალდებულებების შესრულებისგან.

10.7 ლიზინგის მიმღები უფლებამოსილია ვადამდე შეწყვიტოს წინამდებარე ხელშეკრულება:

ა) 4.10 პუნქტით გათვალისწინებულ შემთხვევაში ანუ იმ შემთხვევაში, თუკი იგი აპირებს ლიზინგის საგნის საკუთრებაში მიღებას და შესაბამისი ვალდებულებების შესრულებას;

ბ) ხელშეკრულების მე-9 მუხლით გათვალისწინებულ შემთხვევაში.

10.8 ლიზინგის საგნის ლიზინგის გამცემისთვის დაბრუნების შემთხვევაში ლიზინგის მიმღების დარჩენილი ვალდებულების მოცულობა დამოკიდებულია დაბრუნების მომენტისთვის ლიზინგის საგნის საბაზრო ფასზე

10.3.2 პუნქტის შესაბამისად. საბაზრო ფასი განისაზღვრება ლიზინგის გამცემის შერჩევით ქვემოთ მოცემული ერთ-ერთი წესით:

10.8.1 მხარეთა შეთანხმებით;

10.8.2 ლიზინგის საგნის რეალიზაციის ფასით. რეალიზაცია ხორციელდება ლიზინგის გამცემის მიერ.

11. ხელშეკრულების ძალაში შესვლა და მოქმედების ვადა, დავების გადაწყვეტა, დასკვნითი დებულებები

11.1 წინამდებარე ხელშეკრულება ძალაში შედის მხარეთა მიერ მისი ხელმოწერის მომენტიდან და მოქმედებს მხარეებს შორის წარმოშობილი უფლება-მოვალეობების სრულ ამოწურვამდე.

11.2 მხარეთა შორის წამოჭრილი ნებისმიერი დავა გადაწყდება ურთიერთშეთანხმების გზით.

11.3 თუ მხარეებმა შეთანხმებას ვერ მიაღწიეს, დავა განსახილველად და საბოლოო გადაწყვეტილების მისაღებად გადაეცემა სასამართლოს.

11.4 თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას.

11.5 წინამდებარე ხელშეკრულების დანართი წარმოადგენს ხელშეკრულების განუყოფელ ნაწილს და მოქმედებს მასთან ერთობლიობაში.

11.6 მხარეთა შორის წერილობითი შეთანხმების საფუძველზე, წინამდებარე ხელშეკრულებაში შეიძლება შეტანილ იქნეს ცვლილებები და დამატებები.

11.7 წინამდებარე ხელშეკრულება რეგულირდება საქართველოს მოქმედი კანონმდებლობით.

11.8 წინამდებარე ხელშეკრულების ერთ-ერთი მხარის მიერ წინამდებარე ხელშეკრულებით გათვალისწინებული რომელიმე უფლების გამოუყენებლობა არ წარმოადგენს ასეთი უფლების უარყოფას.

11.9 წინამდებარე ხელშეკრულება გაფორმებულია თანაბარი იურიდიული ძალის მქონე 2 იდენტურ ეგზემპლიარად. ერთი ეგზემპლიარი ინახება ლიზინგის გამცემთან, ხოლო მეორე - ლიზინგის მიმღებთან.

12. მხარეთა ხელმოწერები და რეკვიზიტები:

"ლიზინგის გამცემი"

შპს „ჰიპპო“

დირექტორი:

(ნ. ფერიაშვილი)

"ლიზინგის მიმღები"

ზურაბ მუსაშვილი

გაყიდვების მენეჯერი:

გვანცა გვირგვინი